

Шогшо эл, порымик да гим верг!

Будь готов/

ЯМДЕ ЛИЙ

1933 ий 1 февраль годсек лектеш.

0+



Фотопроект



Фотом еш архив гыч налме.



ПОДПИСКЕ

Авам электроконгам налнеже.



Ида вашке: «Ямде лий» газетыште подписчик-влак коклаште электроконга модалтеш.



Доторей



Мом ыштыман:

Подпискым ыштен, квитанцийым але копияжым редакцийыш колтыман.

Индекс:
П4696.

10 июнь марте Подписке декаде эртаралтеш. Шулдырак ак дене возалташ лиеш.

~~346,62 тенге~~ →
298,62 тенге.

Рекламе.

Снимкыште Кужэнер район Коҥганур школын 9-ше классшым тунем пытарыше Дарья Тобековам ужда. Марий йылмым да литературым туныктышо Галина Степановна Тобекован вуйлатымыж почеш изинек шымлыме пашалан шўман. Тўрлў конкурсышто шинчымашыжым терген: «Край мой – гордость моя» республиканский форум (2-шо вер), «Герой войны в моей семье» районусо конкурс (2-шо вер). Даша «Ямде лий» газет дене пенгыде кылым куча: «Марий Юнкор» слётын участницыже, «Идалыкын юнкоржо» районусо конкурсышто сенгыше лийын. Биологий дене «Время знаний» всероссийский олимпиадыште 1-ше верыш лектын.

Рүдолаште – у школ



Фотом Интернет гыч налме.

«Образование» нац-проект дене келшышын, Йошкар-Олаште 825 веран у школ (снимкыште) чоҥалтеш. Кызыт оралте көргышті чиялтыме, төрлымö паша кая. Мебельым, обо-

рудований-влакым погат. Школ йырым-йыр арулыкым ыштат, сöрастарат. Марий Эл Республикым Вуйлатыше А.А.Евстифеев шукерте огыл у школышто лийын, чоңышовлакын пашаштым аклен. Класс-влакым, актовый залым ончал савырнен. «Школын проектше тыглай огыл. Чылажымат шотыш налын чоңымо, – ойлен А.А.Евстифеев. – Паша график почеш кая. У тунемме верым жапыштыже пашаш колтена. Индешымше микрорайонышто илыше йоча-влак 1 сентябрьым у полатыште вашлийыт».

Л.ГРИГОРЬЕВА ямдылен.



Чылалан тау!

Школышто тунемме латик ий шентелан кодо. Тудо пеш вашкен да веселан эртыш. Школем, кугу тау! Келге шинчымашым пуэнат, ваш-ваш полшен, келшен илаш туныктенат, ик эн онгай жапым пöлекленат. Туныктышо ден йолташем-влакым эре порын шарнаш тўналам. Тау шомакым каласынем «Ямде лий» газетын пашаенже-влакланат. Нуно мыйын поро йолташем улыт.

Кристина БЫКОВА.
Кужэнгер,
Конганур.

Шочмо кечет дене!

Ковам Зоя Вениаминовна Степанова 8 июньышто шочын. Шенше школышто сайын тунемын. Школ деч вара кевытчылан, счетоводлан тыршен, колхозышто сöснам ончен. Кызыт – сулен налме канышыште. Ковамын ик шочшыжо да кок уныкаже улыт. Ме тудым йöратена да пагалена. Шочмо кечет дене, шергакан ковайна!

Оля СТЕПАНОВА.

Морко, Шап Унчо.



90 ияш журнал

«Кече-Солнышко» йоча журналын икымше номерже савыкталтмылан 1 июньышто 90 ий темын. Журналын пашаенже, лудшыжо-влакым Марий Эл Республикысе тўвыра, печать да калык-влакын пашашт шотышто министр К.А.Иванов саламлен. «Йоча журналыште савыкталтше онгай да уш-акылым пойдарыше историй-влак икшыве-шамычын чыным да порылыкым умылаш полшышо икымше урокыштан шотлалтыт, Марий кундемысе тўвыран да сылнымутын поян да öрыктарыше тўняштым почыт», – ойлен Константин Анатольевич.

Испанийыште Колумбым лудыт

Тений «Колумб лудмаш» поэзий конкурс онлайн йөн дене эртаралтын. Таңасымашке ушнышо-влакым Марий Эл Республикысе тўвыра, печать да калык-влакын пашашт шотышто министрын алмаштышыже Г.С.Ширяева саламлен.

В.Колумбын сылнымутшо-влакым марий, руш, англичан да финн йылмыла дене сылнын лудыныт. Конкурсешко Марий Элын 13 районжо да 2 олаже, тыгак Пошкырт кундем, Татарстан Республик, Испаний гыч 83 участник ушнен. Шым таңасыште 19 ег сенгыше радамышке лектын.



Фотом еш. архив гыч налме.

Снимкыште: эн изи участнице **Элвия НИКОЛАЕВА** (Йошкар-Оласе 9-ше номеран «Росинка» йочасад).

Россий Герой Ф.Кузьмин лўмеш Пермский президентский кадет училище 2020-2021 тунемме ийлан 7-ше да 10-шо класслашке тунемаш ўжеш. Документ-влакым nabor@prkkrf.org электрон почтыш колтыман. Ешартыш уверым училищын сайтшытыже але «Вконтакте» соц-кыльште vk.com/prkuvng тўшкаште муаш лиеш.

Йоча-влакын кенезж канышыштым кузе эртарыме да тазалькыштым пентгыдемдыме шотышто йодышда лектеш гын, Марий Эл Республикысе образований да науко министерствыш, шокишо линийыш, 8(8362) 69-25-24 телефон номер дене йынтырташ лиеш. Россий Федерацийысе просвещений министерствыштат шокшо линий пашам ышта. Телефон номер: 8-800-444-35-38.

Юл кундем федерал округышто увертарыме «Герои Отечества» мер проект радамыште Марий Эльште «На страже Отечества» республиканский конкурс эртаралтын. Эн сай военно-патриотический объединений лўмым Козьмодемьянск оласе «Паллада» парус клуб сенен налын. Тудо Марий Элын чапшым Нижний Новгородышто окружной этапшыте аралаш тўналеш.

Морко посёлкысо 6-шо №-ан школ пеленысе тоштерым самырык-влакым патриотизм шўлышлан шўмагдыше рўдер манаш лиеш. П.И.Курсов лўмеш Боевой Чап музейым 2005 ийыште Сенгымашын 60 ияш лўмгечыже вашеш почынит. Вуйлатышыже – **А.Л.ПАУТКИН.**

– Тоштерым чумыраш 2003 ийыште Павел Ильич Курсов полшен. Тудо 129-ше Орловский Краснознаменный стрелковый дивизий нерген 200 утла буклетым, фото, серыш-влакым школлан пуэн. Ты дивизийыште лийше салтак-влакын Кугу Ачамланде сарысе геройло подвигышт нерген чын материал-влак война годсо илышым раш почын пуат. Ятыр экспонатым ме кадет-влак дене пырля погенна. Герой-влакын родо-тукумышт деч серышыштым, документыштым йодыштын, тоштерыш верандыме. Гранат, осколковлак – чыла сар пасу гыч улыт, – ойла Анатолий Логинович. – «Демос», «Воскресение» кычалше отряд-влак дене

пенгыде кылым кучена. «Бессмертный полк», «Вахта памяти», «Правнуки победителей», «Помним каждого» да моло акциялашке кажне

2020 ий – Шарнымаш да чап идалык.



ийын лектына. Шукерте огыл РДШ толкын дене «Я познаю Россию» турист да краеведений всероссийский экспедицийыш ушненна.

Тоштер пеленак «Самырык краевед», «Мый патриот улам» ушем-влак, «Поиск» кружок талын пашам ыштат. Тыште патырлык уро-

кым эртарат, ончерым чумырат. Ёдыр-рвезе-влак «Поиск. Находки. Открытия», «Дорога к Обелиску» всероссийский конкурслашке ушненыт. Юл кундем федерал округышто эртаралтше «Лучший школьный музей Боевой тоштер кок гана

Е.ИВАНОВА ямдылен.

Славы» конкурсышто сенгыше лийын.

Фотом школын архивше гыч налме.

ИСТОРИЙ АРАЛАТЕШ



Тоштерым куд ужашлан шелме:

129-ше Орловский Краснознаменный стрелковый дивизийын сар корныжо. 2003 ий 9 майыште почмо. «Салтакын подвигше – калыкын подвигше», «Нигō ок мондалт, нимо ок мондалт». 2005 ий 6 май. «Кугу Ачамланде сарын историйже». 2008 ий 8 май. «Афган – мемнан шарнымаш. Чечня – мемнан корштыш». 2010 ий. «Вахта памяти» – «Демос» кычалше отрядын пашаже. «Бесланысе герой-влак». 2017 ийыште школ ончылно онам почмо.



Первое письмо кадетам школы от 3 октября 2003 г., г.Рига Дорогие мои юные друзья-кадеты!

Мы, ветераны, свой священный долг выполнили – врага разгромили, Родину защитили. Но она постоянно должна находиться под защитой. Мы уже состарились, теперь эту ответственную задачу должна брать на себя молодёжь. И в частности Вы – кадеты. Меня старого солдата радует то, что Вы в школе активно защищаете честь своей школы и на Республиканском соревновании отличились. Молодцы! На что хотелось бы обратить Ваше внимание!

– Воспитывайте себя настоящими патриотами. Ведь мы все сыновья Родины. Ее радости и печали в равной мере касаются нас с Вами. Навсегда запомните, что отсутствие патриотизма в человеке – это прибежище для негодяев.

– Вы будущие защитники Родины, маленькие солдатики. А солдатам крайне необходимы знания современного оружия, строжайшая дисциплина, организованность и исполнительность. Приказ для них – закон /приказано, исполнено и должно/. Всеми этому уже сейчас надо приучать себя.



П.И.Курсов 1908 ий 5 декабрьыште Морко районысо Кўчык-эгер ялеш почын.

Сарзвуй, Кугу Ачамланде сарын геройжо. 129-ше Орловский Краснознаменный стрелковый дивизийын штаб начальникше лийын. Белосток (Польша) олан, Морко, Орлов кундемысе Залегощенский районлан почётан гражданинже.

Сенгымашлан – 75 ий

«Ямде лий» 2020 ий 6 июнь





2020 ий – Шарнымаш да чап идалык.

Совет элын куатше

Теле йўдым мардеж лумым
Чарныдеак тўргыкта.
Теле еда ме, тыгайым
Ужын, лўдде илена.
Мо мыланна теле йўштō,
Поран, мардеж, лўметат!
Тек шокта поранын йўкшō,
Чот вианже йўштгыжат!
«Совет элым сенымашлан
Теле йўштō мешая», –
Малден Гитлер немыч-влакым
Шинчаорак ондала.
Сайын, раш ончалына гын,
Йўштō теле деч виан
Мемнан Совет армияна.

Г.МИКАЙ.

Шарнем да кугешнем

Кугезе кочам Яков Ильич Исаев 1904 ийыште Параньга районысо Илетнур ялеш шочын. 1941 ийыште сарыш нангаеныт. 1181-ше номеран частын 61-ше пехотный войскашкыже логалын. Кугезе кочамын сар корныжо кужу лийын огыл. Орлов кундымысе Волховский район воктенысе тале кредалмаште нелын сусырген да ўмыржō лугыч лийын. 1942 ий 20 мартыште Толкачёво селасе Иза-шольо шўгарыш тоеныт. Ме тудын дене кугешнена, эре шарнаш тўналына.

Вера СЕМЁНОВА.

Параньга школ.

Сар огеш кўл

Сар кажне ешыш ойгым конден. Мемнан тукым гыч Кугу Ачамланде сарыш куд ег каен. Лач кугезе кочам мōнгō пōртылын. Кугезе ковам война нерген чўчкыдын шарналта. Кажне гана шинчаже вўдангеш. Пытаргыш гана ачажым куд ияш улмыж годым ужын. Кугорныш ончен, сар гыч пōртылмыжым эре вучен, но вучен шуктен огыл. Сенымаш могай ак дене толмым ме шарнышаш улына. Герой-влакклан таум ойлем. Нунын дене кугешнем.

Мария РАТМАНОВА.

Йошкар-Ола, 19-ше №-ан школ.



Сенымашлан – 75 ий



«Ямде лий» 2020 ий 6 июнь

Фотосўрет каласкала

Проект



Российысе военно-исторический обществе Российысе кугыжаныш архив, Тўвыра фонд, Сенымаш музей, Росфото, Москосо Мультимедиа Арт Музей дене пырля Кугу Сенымашлан 75 ий темме лўмеш «Образы войны» проектым илышыш шындара. Тыгай проектлан кōра фронтовой фотокорреспондент-влак Евгений Халдейын, Борис Кудояровын, Эммануил Евзериhiнын, Иван Шагинын, Яков Халипын да молынат пашаштым Российыште икымше гана иквереш погымо. Кызытсе жаплан проектын электрон базыштыже 2020 фотографий уло, нуным тўрлō теме дене верандыме.

Проектыш кажне кумылан ег ушнен кертеш. Кузе? Еш архивыште аралалтше герой-влакын фотыштым **образывойны.рф** сайтыш шындыман. Тыгодым палыман: снимкыште кōм але мом ончыктым, фотом кō да кунам ыштен. Тыге кажне ег Кугу Ачамланде сар нерген чын шарнымашым аралымашке шке надыржым пыштен кертеш.

Л.ГРИГОРЬЕВА ямдылен.

Сенымашым лишемден

Кугезе ковам Наталья Ильинична Волкова сарыш 1941 ийыште каен. Артиллерий войскаште спецподготовкым эртен да Москва аралымаште зенитчице лийын. Ты войскаште кугезе ковам 1943 ий марте кредалын. Сар годымак марлан лектын, икшывышт шочын. Тудо «За победу под Москвой» да шуко юбилейный медаль дене палемдалтын. Кугезе ковамнын сенымашым лишемдаш полшымыж дене кугешнем. Эре шарнаш тўналам.

Ксения ЮФЕРЕВА.

Кужэнгер школ.

Яна ДМИТРИЕВАН
сўретше,
Морко, Коркалово.



Фронтлан йоча-влакат полшеныт.

Факт

1941 ийыште лётчик **Николай Гастеллон** подвигше нерген пален налмеке, Йошкар-Оласе 6-шо номеран школышто (кызыт 11-ше номеран лицей) тунемше-влак герой лїмеш самолётным чоҥаш оксам погеныт.



Лүм: Марат Иванович Казей.

Шочын: 1929 ий 10 октябрь, Белорусий, Станьково ял.

Подвиг: 1942 ийыште партизан отрядыш ушнен. Разведчик лийын, диверсийыш, рейдыш коштын.



1944 ийыште Михаил Ларин (разведчик-влакын отрядыштым вуйлатыше) дене разведкыште лиймышт годым засадыш логалыныт. М.Ларин колымо деч вара Марат шкетын обороным кучен. Фашист-влакын лишкырак толмыштым вучен, пытартыш гранат дене шкенжым пудештарен.

Чап: «Шортньö Шүдыр», «За отвагу», «За боевые заслуги» медаль-влак, Отечественный война, Ленин орден-влак дене палемдалтын.

Минскыште Марат Казей лүмеш сквер, памятник, бюст, урем улыт.

1965 ий 8 майыште Совет Ушем Герой лүмым пуымо.

#пионер ГЕРОЙ

2020 ий – Шарнымаш да чап идалык.



Кроссворд

Герой-ола-влак



Шола гыч пурлашке:

4.Украины рүдолаже. 5.Йүдвелне верланыше герой-ола.

7.Волгоградын ончысо лүмжө. 9.Российыште касвелне верланыше ола. 11.Порт-ола.

Кўшыч ўлыкө:

1.Краснодарский крайыште верланыше герой-ола. 2.Тиде олам чонаш Екатерина II күштен. 3.Нева энгер воктене верланен. 6. Российын рүдолаже. 8. Самовар, мўгинде дене чапланыше ола. 10.Шем да Азов тенгызла коклаште верланыше ола.

В.СМИРНОВ ямдылен.

9 Май эрдене

Индешымше Майын эрдене Огеш орден-влакым сакен Толеш ветеран обелиск дек, Пеледыш аршашым кучен.

Шога йолташ-влакышым шарналын, Кузе тудо фронтыш каен. Кузе неле бойыш логалын, Кузе ты боеш сусырген.

Берлин марте кайыме сар корно Кодеш курымешлан шүмеш. Конда ветеран обелиск дек Аршашым йолташ-влак лүмеш.

Павел КУЗНЕЦОВ.

Кужэгер, Шүдымарий.

Муаш полшыза

Поисковик-влак 1917 ийыште У Торъял район Петрсола ялыште шочшо Михаил Дмитриевич (ала: Данилович) Гусевын родо-тукымжым кычалыт. Тудо Кугу Ачамланде сар годым Тверь кундемсе Ржев олаште колен. Москосо «Победа» кычалше отрядын боецше-влак М.Д.Гусевын луле-гыжым муыныт. Пелашыжын лүмжө – Аксинья Степановна.

Шарнымаш книгаште красноармеецын лүмжө уло, но тушто Как-шанмучаш ялыште илен манын возымо.

М.Гусевын родо-тукымжым паледа гын, МарГУ пеленысе «Воскресение» кычалше отрядын командирже

П.И.Бусыгинлан 89033263131 телефон номер дене йынгырташ але p-bus2005@yandex.ru адрес дене электрон почтыш возаш йодына.

Н.СЕРГЕЕВ.

Василий Иванович СОЛОВЬЁВЛАН Совет Ушем Герой лүмым пуымылан 4 июньышто 75 ий темын.

★ В.И.Соловьёв 1915 ийыште Морко район Изиде Корамас ялеш шочын. Йошкар Армийышке 1942 ийыште каен.

★ Смоленск областысе Жуково ял воктенысе кўкшака верч крестыште подвигым ыштен.

★ В.Соловьёв кок пулемётный расчётым гранате дене пытарен.

★ А т а к ы ш кынелше совет салтак-влак ўмбак тушманын кумшо пулемётный расчётшо лўйкалаш тўналмеке, амбразурым шке капше дене петырен.



Сенгымашлан – 75 ий

«Ямде лий» 2020 ий 6 июнь

5



2020 ий – Шарнымаш да чап идалык.

налма Ленинград гыч йоча тўшкам «Илыш корно» дене луктыт. Машина корнышко тарваныш. Январь.

Йўштö. Мардеж капет вошт лектеш, шонет. Машина шофёр Коряков вўда. Пеш шекланен кудалеш. Кузовышто йоча-влак икте-весе иште деке пызнен шинчат. Ёдыр, ёдыр, адак ёдыр. Рвезе, ёдыр, адак рвезе. А тебе эше икте. Эн изи, эн какши. Такшым кажне йочаже какши-какши, вичкыж книга гай улыт. А тидыже нунын дечат на-чар, вичкыж книгасе ик лаштыкше гай. Икшыве-влак тўрлö вер гыч погыненыт. Кö гын

Охта гыч, весе Нарва, кумшо Выборг велым, Киров, Васильевский отрола гычат улыт. Тиде изи эрге – Невский проспект гыч. Невский проспект – Ленинградын рўдö, тўн уремже. Тыште рвезе ачаж да аваж дене пырля илен. Снаряд пудештмек, ача-ава деч посна кодын. Машинаште пырля кудалше йоча-влакынат ни ачашт, ни авашт уке. Южышт шужен коленыт, весе ишт снаряд йымаке логалыныт, кöжын ўмыржö сўмырлышö пöрт йымалан кўрылтын. Йоча-влак тулыкеш кодыныт. Нуным Оля ака ужата. Оля ака – шкежат йоча. Тудлан латвич ият темын огыл. Йоча-влак икте-весе деке чот пызнен кудалыт. Покшекышт эн изиштым шындыныт. Йўштö. Мардеж чот лўшка, лупша, шиеш. Ньюга-влакын могырышт сўсаныме дене чытырналт-чытырналт каят. Оля ака кидше дене авырен öндалын. Тиде шокшо кид деч чылалан кеч изишлан шокшын чучеш.

Машина кылмыше ий ўмбац кудалеш. Шола да пурла велне – ий

Тушман-влакын авырен

дене комыжалтше Ладога. Ладога ўмбалне утларак да утларак йўкшемда. Йоча-влакын капышт тўнғын. Икшыве-влак огыл, пуйто ий комыля-влак шинчат. Эх, кы-зыт нунылан шокшо ужгам пуаш ыле.

Война нерген лудына



У Ж Г А

Сергей АЛЕКСЕЕВ

Трукышто... Машина эркышныш, шогале. Кабине гыч шофёр Коряков лекте. Ёмба-чынже салтак ужга-жым кудашын, Олялан кудалтыш да кычкырале:

– Кучо!

Оля шорык коваште гыч ургымо ужгам руалтыш:

– А теже кузе... Ме вет, чынжымак...

– Нал, нал! – манын кычкырале шофёр да кабинышкыже тёршталгыш.

Йоча-влак öрын ончат – ужга! Тудым онченак могырлан шокшынак чучеш. Машина он-чыко

тарваныш. Оля ака йоча-влакым шорык коваштан ужга дене леведе. Ик-шыве-влак икте-весе иште деке эше лишкырак пызнышт. Ёдыр, ёдыр, адак ёдыр. Эрге, ёдыр, адак эрге. Покшелне – изиракышт. Ужга пеш кумда да поро шўлышанла чучо. Йоча-влакын капышт мучко шокшо юап пуйто куржынак колтыш. Коряков йоча-влакым Ладога ерын эрвел серышкыже, Кобона посёлкыш, намиен шуктыш. Тышеч нуным эше кужу-кужу корно вуча. Коряков Оля ака дене чеверласыш. Вара йоча-влак дене чеверласаш тўнале. Кидыштыже – ужга. То ужгам, то йоча-влакым ончал-ончал колта. «Эх, тиде ужгам йоча-влакылан корнышко пуаш ыле... Но тудо казнан, шкемын огыл шол. Вуйлатыше вием гыч ок ниялте, очыни», – шонкален, шофёр адакат то ужгам, то йоча-влакым ончалеш. Трукышто...

– Эх, мо лиеш – лийже! – Коряков кидшым лупшале да ужгам йоча-влакылан кучыктыш.

Коряковым вуйлатыше вурсен огыл. У ужгам пуэн.

Л.ГРИГОРЬЕВА кусарен.

Сенгымашлан – 75 ий



«Ямде лий» 2020 ий 6 июнь

Печать да массовый коммуникаций шотышто федерал агентствын окса польшыж дене лукмо.

6 июнь – Руш
йылмын кечыже.

Шочмо йылме полша

Тўнямбалне могай гына йылме уке. Кажне еглан шочмо йылмыже эн сылне да эн лишыл. Мый марий йылмым йоратем. Тудо тукым гыч тукымыш куншо йылме. Шочмо йылмын ончыкылыкшо волгыдо лийже, шонем. Руш йылмымат сайын палыман. Тидлан адак шочмо йылме полша. Йоча мыняр шуко йылмым пала, тунар ушанрак.

Света КУДРЯВЦЕВА.
Волжский, Шарача.

Тиде сўрет
могай йомак
гыч, палыза.



Сўретым чиялте.

Мланде
ймбалне 80 тїжем
кочкаш йоршō шудо
кушкем. Тїшечын
30 тїжемжым веле
айдеме кучылтеш.

Мландын
70 процент ужа-
шыже – вїд, 8 про-
цент – вулкан, 11
процент – кушкы-
лым ончен кушташ
йоршō мланде, 10
процент – ий (лед-
ник), визылше ужа-
шыже – пустынь.



6 июнь –
А. С. Пушкинын
шочмо кечыже.

Палап
огай



А.С.Пушкин изинек
спортым йоратен.

Утларакшым
йолын коштын.

Йїштылаш, бокс
келшен.

Уста фехтовальщик
да имнешке лийын.



9 июнь – Йолташ-влакын
тўнямбал кечышт.

Тул гай ўпан

Вика йолташ ўдырем дене ик классыште тунемына, ик парт коклаште шинчена. Изинек пырля кушкына. Йолташмын ўпшō тул гай тўсан, капкылже лывырге. Мураш-кушташ, сценыште модаш йората. Яра жапшым арам ок эртаре. Тудын кок изаже да ик шўжарже улыт. Вика – мыйын эн сай йолташем.

Полина ПЕТУХОВА.

У Торъял, Кузнеч.

«Ямде лий» 2020 ий 6 июнь



Индекс: П4696.
Тираж 1150 экз. Заказ
Формат – А-4-8.
Тўн редактор Л.В.СЕМЕНОВА.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.rf

УЧРЕДИТЕЛЬ-ВЛАК: Марий
Эл Республикысе культур, печ-
ать да калык-влакын пашашт
шотышто министерстве, «Ямде
лий» газет» кугужаныш уни-
тарный казна предприятий.

Газетым редакцийште погы-
мо да верстатлыме, «Марий Эл
Республикысе Правительствын типографийже» ООО-што
ямде оригинал-макет гыч савыктыме. Типографийын
адресше: 424000, Йошкар-Ола, Комсомольский урем, 112.

Газетым Массовый коммуникаций
сферыште да культур наследийым
аралымаште законодательством шук-
тен шогымым эскерыше Федеральный
службын Приволжский федеральный
округысо управленийшытыже регист-
рироватлыме.

Номер – ПИ №ФС 18-1999,
2005 ий 10 февральшыте пуымо.

0+

Печатьыш пуымо жап –
14-00,
фактически – 13-00

Авторын да редакцийын шоныма-
шышт тўрлō лийын кертыт. Серыш-
влак мōнгеш огыт колталт.
Ак – кутырен келыме почеш.

Редакцийын да издательын адресше:
424006, Йошкар-Ола, СССР Вооружённый
Вийын 70-ше идалькше урем, 20-шо пōрт.
Тел. 8(8362) 45-22-82(факс)

Мыйын сурт сомылкам



Лияна ТОКПАЕВА.
Параньга, Штрамарий.

Конкурс



Таня ден Ваня ГОРИНОВМЫТ.
Шернур, Лажъял.



Вика ПЕТУХОВА.
Кужэгер, Актугансола.



Ава йдыржӧ
деч йодеш:
– Чукаем,
тыланет кевы-
тыште иктаж-мом налаш?

– Да.


– А мом налаш?

– Можым ом пале... но налаш.

– Мый могай уремыште илет?

– йодыт изи ньога деч.

– Мый пӧртыштӧ илем, а уре-
мыште модал.



Могай классыште?

Печу, Йыван да Эчан тӱнгалтыш школыш-
то, но тӱрлӧ классыште тунемыт. Печу Эчаным
тунемме классышкыже вончен, а Йыванлан
тиде классышке вончаш эше ик ийым тунемман.
Кажныже могай классыште тунемеш?



Задаче



Ломбо

Ош ломбо пакчаштемже
Сылнын-сылнын пеледеш.
Эртен кайыше кажне еҥже
Тамле пушыжым шижеш.
Йӱштӧ игече огеш лий гын,
Лиеш кичкылан поян.
Тунам мый ломбыгичкым
Шер теммеш кочкам тамлен.

Даниил РОМАНОВ.
Волжский, Йывансола.


Мастар кид

Чоя рывыжым оригами
йӧн дене тыге ышташ
лиеш. Теат ыштен ончыза!



Ик шырге пырчым верже дене ваштал-
тең, чын вашмутым ыштыза.

Кажне
«авалан» шке «йочажым»
муаш полшыза, нуным линий
дене ушыза!



Тушто-влак

Вӱд дене толеш-толеш да,
сер деке миен шуэшат, шыплана.

Чодыраште шортеш, пасушто
шып коштеш.

Пелганде пасуэш шым корным шарем.



«Ямде лий» 2020 ий 6 июнь

Интернетесе сӱрет-влакым кучылтмо.